





2102.






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2102 4° (LN 421 4° copy 2)






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2102 4° (LN 421 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2102 4° (LN 421 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2102 4° (LN 421 4° copy 2)

Nº 2102.



= LN 421

ex. 2

2102.
ORATIO DE OBITU
sereniss : principis CHRIS-
TIANI. III. Daniæ
& Noruegiæ
regis, &c.

Conscrip̃ta à D. Iacobo
Bordingo, ipsius
medico.

HAFNIÆ
Apud Christophos
rum Barth.

M. D. LIX.

**Tetrastichon Iohannis
Sacerdis.**

Viue piē, qui vis placida decedere morte.
Dat vitæ pietas, vt moriare piē.
Rex igitur pietatis amans, & pacis alumnus,
Te Bordinge etiam teste, beatus obit.



2102.

ORATIO DE OBITU SERE-
nissimi principis CHRISTIANI. III.
DANIAE & NORUEGIAE regis, recitata
Othoniae. XIII. Februarij.
M. D. LIX. cum fu-
neris exequiae
celebrarentur.

Magna laus est, Ezechiae regis Iuda, quae
ceterorum regum omnium, qui vllis
vnq̃ temporibus fuerunt, gloriam superauit :
quod solo DOMINO Deo Israel confisus,
statim initio regni sui, templum DOMINI
aperuerit, purgarit, & sanctificarit : cum idola
eorum cultu sublato, æneocq̃ serpente, qui adorari
iam coeperat, contrito, veram de Deo doctrinam,
verosq̃ cultus, ecclesiae restituit : & re-
collectis vndiq̃ sacerdotibus ac leuitis, quos su-
periorum regum furor dissiparat, populum vni-
uersum ad celebrandum pascha conuocauit.

Est & illud laudum ipsius non minima pars,
quod temeraria bella nulla mouerit, sed com-
paratis tantum ad defensionem armis, populum
sibi commissum aduersus iniustam vim protes-
terit : piam pacem rebus omnibus anteposuerit,
eamq̃ omni argento, quodcunq̃ vel in ipsius fi-
sco erat, vel ex templi diuitijs corradi poterat,
redimere conatus sit. In repellendis autem blas-

A ij

phe

phemis hostibus, qui Deum ipsum contumelia afficiebant, labores, bella, & pericula nulla res formidavit: sed solo DOMINO Deo Israel fretus, & Prophetæ Esaiæ voci obtemperans, omnes minas, omnesq; impetus, magno excelsosq; animo sustinuerit. Quare mirabili rursus Dei auxilio adiutus, gloriosas victorias consecutus est: cæsisq; una nocte ab angelo DOMINI Assyriorum, qui urbem Ierosolymam obsidebant, centum octoginta quinque milibus, inusitatum omnino triumphum egit, habuitq; deinceps regnum pace, opibus, rebusq; omnibus florentissimum.

In aduersa & deplorata valetudine, cum certam ei mortem Esaias denunciasset, non sine multis lachrymis ad Deum conuersus, ab eoq; solo liberationem petens & expectans, illud rursus impetrauit, vt ad definitum iam vitæ terminum, quindecim anni adijcerentur. Etsi autem de promissione Dei, vitæq; longiore minime dubitaret, nequaquam tamen medica auxilia propterea contempsit, quominus hucus quo laborabat, cataplasmate ex ficibus curari pateretur.

Verum in summa hac felicitate & gloria, cum Solis etiam cursus ipsius causa redardatus esset, vicinisq; regibus iam esset admirabilis, animo non nihil elatus, non ea qua debuit modestia, ingentia hæc Dei beneficia agnouit: promeritusq; etiam est, vt pœnis aliquibus castigaretur. Cæterum cum agnito peccato, rursus ad DOMINUM

mis

2102.
MINVM confugeret, orando illud obtinuit,
vt imminentes iam poenæ differrentur, ipseq;
publicarum miseriarum spectator non esset.

HANC sanctissimi regis historiam, sacra-
rum literarum monumentis copiose satis expli-
catam, breuiter ac summam, ideo recensui,
quia expressam atq; omnino simillimam imaginem
eius nuper vidimus, in optimo rege nostro
CHRISTIANO III. quem vt propter
summas eius virtutes, summamq; pietatem, &
paternum erga nos studium, vnice dileximus,
ita eiusdem obitu, in magno nunc luctu & mœ-
rore sumus.

Ideo autem prodest vitam eius & mor-
tem, sempiterna memoria, crebrisq; præconijs ces-
lebrari, vt nos pro collatis per ipsum in Eccle-
siam & Rempub. beneficijs, ardentius Deo gras-
tias agamus: eaq; pié moriendi forma, quam
pulcherrimam nobis reliquit, ipsi quoq; vtamur:
qui veró deinceps successuri sunt reges, dome-
sticum quoddam optimi principis exemplum has-
beant, quod imitentur.

Et si autem vita eius multis excellentibus
virtutibus ornata fuerit, nos tamen non om-
nia, sed ea tantum commemorabimus, quæ cum
proposito Ezechiae exemplo maximè congru-
unt: pietatem eius insignem, pacisq; ac trans-
quillitatis studium: quæ tandem fælix ac trans-
quillus ex hac vita exitus consecutus est. Intes

A ij gram

gram vitæ eius historiam, bella foeliciter gesta,
totumq; politicæ gubernationis cursum, descri-
bent ñ, quibus & res & consilia eius nota sunt
& scribendæ historiæ cura mandata est: nos
præcipua dicta eius & facta, quorum proximo
hoc biennio in quotidiana consuetudine aus-
ditores & spectatores fuimus, quæq; proximè
mortem eius antecesserunt, optimumq; princi-
pem eum fuisse testantur, breui oratione (longam
enim luctus noster non fert) persequemur.

Primum itaq; singularis eius erga Deum
pietas, quæ ipsum non nomine tantum, sed re etiam
vera, CHRISTIANUM fuisse declarauit, in
eo eluxit maximè, quod simulatq; ad regni gubernacula
admissus esset, repurgandæ religionis,
& constituendarum ecclesiarum, curam suscep-
rit. Intelligebat certe iam tum pius princeps,
imperia omnia à Deo regi, nec potentiam vllam
firmam esse aut stabilem, quæ diuinis præsidijs
non niteretur: Frustra custodiri ciuitatem, quam
DOMINVS ipse non custodit.

Prima igitur hæc eius cura, hoc studium
fuit, vt portas aperiret CHRISTO: & res
gnæ hæc, quibus gubernandis à Deo præfectus
erat, puram Euangelij doctrinam amplecterentur:
simulq; extremæ illæ terræ, longissimis marium in-
teruallis dissitæ, Gotlandia, Islandia, Phærenses
insulæ, & vltima Noruegia, quæ dira supersti-
tione

tionē iandudum fuerant oppressæ, nunc primum post hominum memoriā, accepto IESU CHRISTI Euangelio, veræ ecclesiæ Dei hospitia fierent. Sic itaq; templum DOMINI aperuit, idemq; cum Ezechia purgavit & sanctificavit, cum non sine magnis laboribus & periculis, multorumq; potentum in se concitatis odijs, inueteratam illam multis iam seculis Papisticam idololatriam, penitus sustulit ac profligavit: tandemq; quod pater ipsius (piæ ac foelicis memoriæ) Fridericus, r. serio tentarat, perfecit, vt vera de Deo doctrina, variè prius adulterata, multisq; tenebris inuoluta, pura iam & synccera ecclesiis restitueretur: simulq; cum doctrinæ pñ ritus, vtilesq; ac decentes ceremoniæ introducerentur.

Ne vero facilè rursus corrumpi doctrina posset, omnesq; intelligerent ex quibus illa fontibus manasset, & quibus fundamentis nitetur, Sacra biblia à solo Spiritu sancto profecta, & quamuis neglecta iacerent, singulari tamen Dei beneficio ab interitu vindicata, atq; inter tot hæreticorum & hostium CHRISTI monstra ad hæc vsq; tempora reseruata, summa diligentia ac fide, in Danicam linguam verti, vtq; ab omnibus legerentur, typis elegantissimis excudi curauit.

Cum porro animaduerneret, diuturnum minime fore ecclesiæ statū, nisi ei schola aliqua adiungeretur, quæ veluti seminariū quoddā esset doctorū
homis

hominum per quos doctrina coelestis, cæteræq;
bonæ artes, continua serie, ad omnem posterita-
tatem propagarentur, Hafniensem academia
am, ferè iam collapsam instauravit: eiq; opima
prædia, & vectigalia certa attribuit, ex quibus
honestæ stipendia professoribus penderentur: &
quantum humana providentia efficere poterat,
ea addidit privilegia, tabulisq; & fide publi-
ca ita omnia firmavit, ne vlla vnq; mutatio in-
cidere posset.

Ad hæc autem foeliciter perficienda, con-
silio & opera usus est doctorum hominum: cui-
usmodi etsi nonnullos in sua gente haberet, vt
D. Petrum Palladium, qui adhuc Danicis ec-
clesiis foeliciter præest, D. Iohannem Senningi-
um, D. Christiernum Morsianum, & alios quos-
dam quos recensere nihil est necesse: nihilo mi-
nus tamen é Viteberga peregrinos etiam accer-
siuit, D. Iohannem Pomeranum, á quo etiam
regium diadema capiti suo imponi volebat. D.
Tilemannum Hufenium, D. Iohannem Macha-
bæum, qui omnes cum á Sanctissimo viro D.
Martino Luthero instituti essent, pietate, do-
ctrina, & iudicij rectitudine exellebant.

Huiusmodi virorum frequentiam, non exi-
guum regni sui decus esse existimabat: Hafniensi
verò schola sæpe ita gloriari solebat, vt diceret,
vix vllum maius se regni sui ornamentum ha-
bere: eius præsidio veram religionem, veramq;
de

2102.
de Deo doctrinam, in his regionibus hosce annos aliquot incorruptam mansisse : quæ certe iamdudum, si schola nulla fuisset, multis modis iterum fuisset deprauata.

Nuper Coldingæ, Cymbricæ chersonesi oppido, paucis septimanis antè, q̃ ibidem mores retur, cum labentibus paulatim viribus, valetudine esset parum firma, extremumq̃ vitæ diem imminere sibi iam sentiret, nulla alia cura æquè afficiebatur, q̃ ecclesiarum ac scholarum, quas & benè constitui, recteq̃ constitutas perpetuò manere, optabat. Quare & in senatu, & cum Episcopis re deliberata, hæc postrema decreta fecit. Primum, vt pauperum ratio haberetur, & si quæ neglecta adhuc essent Xenodochia, ea vt ante omnia instaurarentur. Deinde vt etiam in minoribus oppidis, ludi literarij aperirentur : ecclesiarum pastoribus quibus ad necessarios sumptus rei familiaris non satis suppetes ret, stipendia augerentur : superintendentibus autem prædia certa assignarentur, quorum fructibus honestè ali, & egentibus eleemosynis suis subuenire possent.

Eodem ferè tempore, cum in Academia Hafniensi, professoris theologi locus adhuc vacaret, ex quo reuerendus vir D. Iohannes Machabæus, de studijs theologicis optimè meritus, & regi imprimis charus, nuper defunctus decesserat; atq̃ in eum locum præstantem aliquem

B

virum

virum succedere rursus optaret. Primum à M. Henrico à Bruchofen. Buscoducense, concionatore suo, qui tum Hafniæ ægrotanti vxori suæ aderat, ad Victorinum Strigelium, qui ei antiqua amicitia & consuetudine coniunctus erat, scribi voluit : postea vero & proprias suas litteras ad ipsum misit, quibus liberaliter eum in Daniam vocabat : fueruntq; hæ ultimæ literæ, extra Daniam missæ, ipsius manu subscriptæ & signatæ.

Ex his actionibus satis apparet, quod fuerit ipsius in tota gubernatione studium : cum ultimo vitæ tempore de ecclesia tam fuerit sollicitus, vt quasi prudens œconomus, qui futuram aliquando verbi Dei famem prospiceret, id procurarit, vt doctrinæ cœlestis studia, sanctumq; ministerium, in his ecclesiis, q̄ fieri posset diutissime, conseruarentur.

In priuata & domestica vitæ eius consuetudine, quanta pietas, quantaq; religio semper fulserit, testes sunt ij, qui in conclaui adesse ipsi solebant, cubicularij, theologi, medici, & aula propè vniuersa. Nullum intermittebat diem, in quo non horas aliquot, orationi, & lectioni sacræ tribueret. Manè cum primum experrectus esset, orabat prolixè & ardentè : nec prius in conclaue quenq; admittebat, q̄ orationem suam ad Deum absoluisset. Prius verò q̄ pranderet, aut ipse insignem aliquem locum theologia

logicum ex Lutheri scriptis clarè recitabat, aut, si per valetudinem spiritu & voce minus valebat, alterum aliquem ex familiaribus recitantes audiebat. A coena, quod tempus alij computationibus, lusibus, & alijs tribuunt, ipse plerunq; historiae alicuius lectioni, & psalmis canendis impendebat. Publicas vero conciones, cantiones, & preces, pro temporum & praesentium periculorum ratione, praescribebat ipse: ipsaq; quoties per valetudinem poterat, intererat. Conciones audiebat summa cum attentione: ipse cum toto coetu canebat, clara magnaq; voce: sacra coena Domini saepe utebatur: exemploq; suo ceteros aulicos, ad similia pietatis officia inuitabat.

Quoties grauiori aliquo morbo infestabatur, ita ut plusculum temporis quieti & somno dare cogeretur: non tam de corporis doloribus & virium imbecillitate querebatur, quam quod tempus illud ita miserè sibi periret, sine vlla sacrarum rerum meditatione, & vilitatis suis exercitijs pijs. Im summa, nulla erat valetudo corporis tam aduersa, nullae de rebus: consultationes, nullae causarum disceptationes, (quibus tamen bonam magnamq; temporis partem consumere solebat) tam graues, nullae voluptates aut delitiae tam iucundae, quae ipsum ab hoc religioso exercitio auocarent.

In summis suis occupationibus, & grauissimis rebus: curis, cum multa secum in animo volueret, saepe in pios quosdam sermones

B ij

nes

nes prorumperebat, simulq; grauiter & copiose
differebat, de humani generis miseris, de pec-
cato, de furoribus & astutia diaboli, de bene-
ficijs IESU CHRISTI: in quibus quasi iam ac-
quiescens, dicendi finem plerumq; faciebat.

De toto ministerio, & ecclesiarum consti-
tutione, saepe & multum cum consiliarijs ac the-
ologis suis colloquebatur & consultabat. Et
quemadmodum Dauidem regem, regni gloria
& potentia, multisq; præclaris victorijs insig-
nem, non puduit esse in coetu sacerdotum &
leuitarum, psallentium & celebrantium Deum:
Ita certe noster hic rex, piorum & doctorum
hominum doctrinam, congressus, & colloquia,
pluris faciebat, q̃ reliquum illum externum re-
gni sui splendorem, ac maiestatem. Verum hæc
de pietate ipsius in repurganda vera de Deo
doctrina, in veris cultibus instaurandis, in con-
seruando ministerio, deniq; in tota vitæ actione
& assidua Dei inuocatione, dicta sufficiant.

De humanitate, comitate, & liberalitate ip-
sius erga omnes cum quibus erat, nihil dico:
etsi enim hæc virtutes suam quoq; laudem ha-
bent, tamen quia earum fructus ad quosdam
magis, q̃ ad vniuersam rempub. pertinent, &
quia omnibus satis notæ iam sunt, ips præter-
missis, de pacis studio, quod certè præcipuus e-
rat politicæ ipsius sapientiæ neruus, aliquid di-
cam.

Quem

Quemadmodum igitur de Ezechia commemorauimus, nullum bellum temerè ipsum unquā mouisse: pacem potius data pecunia redimere voluisse: necessaria tamen pericula, quæ omnino pro ecclesiæ & Patriæ defensione, suscipienda erant, nunquā defugisse: ita sanè noster hic rex, primum quidem cum nulla ambitione, nulla regnandi cupiditate, sed mirabili Dei consilio, rex declaratus esset, regni hostibus diuictis, belli finem pacem esse statuit: quam postea semper ita amauit & coluit, ut ab eo usque tempore, nullas militares copias Dania viderit.

Et quanquā amplificandi regni, non contemnendæ occasiones, aliquoties ipsi ostenderentur: ut nuper etiā, cum Livonicæ aliquot ciuitates, se in huius regis nostri fidem ac potestatem conferre, certis conditionibus paratæ essent: etsi miseram eorum fortunam subleuare conatus est, nihil tamen noui tentare voluit, ne se bello aliquo non necessario implicaret: & diuturnam regni sui pacem, hoc ultimo vitæ actu, labefactaret. Multo enim pulchrius ac laudabilius esse existimabat, patriam in pace continere, etiamque religione, legibus, moribus, & iusticia ornare, quā longè lateque propagatis finibus, alienos populos debellare, imperioque suo subicere.

Sæpe cum de principum istorum, qui his proximis annis vniuersam penè Europam bellis perturbarunt, dissidijs loqueretur: belli calamitates

B ij

tates

tates & ærumnas, direptiones, incendia, cædes,
fugas, & stupra nefanda, non sine magna commis-
seratione commemorabat: grauiusq; ingemisce-
bat, quod tot malorum causa esset bellum, cum
belli plerunq; causa nulla esset, præterq; vna mi-
sera ambitio, vel vt ipse dicere solebat, mani-
pulus vnus superbix. Ein hand soll hofart.

Sæpe exclamantem audiuius. O quàm
beatæ essent respub: q; principes ipsi beati, si res
bus suis contenti, concordiam, pacem, & iusticia
am colerent: eaq; potentia qua à Deo armati
sunt, ad communem hominum perniciem non
abuterentur: nunc ipsi & sibi, & subditis suis, ma-
gnis laboribus & periculis, ingentes calamitates
accerfunt: cum in pace florere possent, opibus,
& rerum omnium copia, vitamq; degere iucundis-
simam, ac planè diuinam, cum angelorum vita
comparandam. Has voces, quibus satis declara-
bat, q; esset pacis & tranquillitatis amans, crebrò
ex ipso audiuius: vnde colligi facile potest,
pro summa virtute politica eum habuisse studiu
um pacis: quo illud etiam consecutus est, vt
diurnæ pacis custos, meritò dici ac prædicari
possit.

Regnavit annos XXIII. Regnare coepit an-
no ætatis suæ, XXXII. Natus autem est anno
M. D. III. mense Augusto, paulo post quàm
Ferdinandus Cæsar, qui nunc rerum in Gera-
mania potitur, natus esset, Obijt nuper Calend.
Ianua

Ianuarij. Fuit itaq; vniversum vitæ eius curricula, annorum LV, & aliquot mensium. Ezechiam regem cum quo ipsum comparauimus, vno tantum anno vitæ superauit : et si regni ipsius tempus breuius aliquanto fuerit.

Verum quod Ezechiae accidit, vt XV annis anteq̃ moreretur, in grauem & lethalem morbum incideret, ex quo tamen singulari Dei auxilio, cum ipsum serio inuocaret, restitueretur, & XV annorum spatio vita ei prorogaretur : simile omnino nostro huic regi accidisse fatendum est. Anni nunc sunt XII, cum Lundæ oppido Schaniæ, deplorata omnino valetudine esset ; cum verò in rebus humanis auxiliij nihil appareret, mediciq; physicis suis remedijs, parum efficere se profiterentur ; ibi tum optimum regem non alia ratione seruatum fuisse constat, q̃ suis & ecclesiæ precibus : quibus commotus Deus, vitam ei in hoc vsq; tempus produxit. Firmam ipsius in Deum fiduciam, declarant vsitata eius symbola, quibus & consolari se, & ædificia sua ornare solebat.

Zu Got mein trost allein
Sonst andern fein.

Ach Got schaff deinen willen

Etsi autem solius Dei auxilio niteretur, vitamq; & salutem omnem ei vni acceptam referret :

ret : nihilominus tamen interea medicos etiam
in honore habebat, & remedijs ab ipsis mon-
stratis, non inuitus utebatur. Verum cum pa-
rum ea interdum prodesse, & ipse in lecto
æger decumberet, iocari nonnunquam ita solebat.
Vbi nunc sumus (inquit subridens) nos, qui po-
tentissimi, & inuictissimi salutamur : vbi nunc
potentia, & imperium nostrum : cum ab vna
febricula ita domamur. Deinde, vt sæpe alias
cum bene haberet, longius oratione digressus,
humanarum calamitatum causas commemorabat,
edebatque præclaras confessiones : de corrupta na-
tura, de contumacia carnis aduersus spiritum,
de nimis imperfecta obedientia sua. Quid est
(inquit) quod tantopere superbimus : cum
omni humana iusticia quam maxime ornati sumus,
quid tum adhuc aliud ad Deum accedentes, ad-
ferimus, quam turpem peccati massam : Quare ad
filium Dei confugiamus, amplectamur iusticiam
IESV CHRISTI, quæ nos perducatur ad vitam
æternam. Huiusmodi confessionibus & adhor-
tationibus, ipse se confirmabat, & tanquam pius pa-
ter, erudiebat domesticos suos : vt qui audirent
magis interdum ipsi mouerentur, quam publicis
Ecclesiæ concionibus.

Errata & imbecillitates suas minime dissi-
mulabat, atque aperte confitebatur, dignum se
esse, qui poenas etiam daret. Sed orabat cum
Ezechia Deum, ne pro meritis suis, in ipsum ani-
ma

maueret: p̄nas potius auerteret, & pacem daret in diebus suis. Haftenus quæ vita eius fuerit, quæ in publica gubernatione, & domestica consuetudine virtutes, audiuitis, Reliquum nunc est, vt de obitu eius, pauca quædam dicamus: qui certè vitæ integerrimè actæ planè consentaneus fuit.

Vicesima tertia die Decembris, biduo ante diem festum, qui natalis est Domini nostri IESU CHRISTI. manè, cum ad ipsum venisset M. Paulus Nouiomagus: quo concionatore iam annos ferè quindecim vsus erat: sciscitari statim ex eo coepit, qua valetudine pater ipsius esset: nam & is grauius eodem tempore ægrotabat, quo etiam morbo vno die antè, quàm rex è vita discederet, extinctus est. Verum M. Paulus cum dato responso, vicissim regem interrogaret, ecquid ipse valeret, dicam (inquit) fuit iam apud me, qui me animo bono esse iussit, mihiq̃ spem fecit, fore, vt breui cum hoc nouo anno, mea quoq̃ valetudo renouetur: ac tum secutus ram vitam longiorem. Quod cum vna audiret D. Cornelius medicus, qui tum forte adstabat, conicio (inquit) somnium fuisse: nequaquā (inquit rex) vanum aut somnio simile fuit: nam certo certius ita fore, mihi affirmavit. Quis autem, aut cuias ille fuisset, à quo significatum sibi id fuisse diceret, neq̃ interrogabat quisq̃, neq̃ ipse amplius quicq̃ addebat: verum vt euentus pos-

C

stea

stea docuit, minimē dubitamus, quin diuinitus or
raculo per quietem ipsi oblato, de tempore quo
ad coelestem vitam emigraturus esset, admonitus
fuerit. Quod si somnium fuit, simile omnino illud
fuisse statuo, somnijs Ioseph, Nabuchodonosor, Ma
gorum, qui de rebus futuris, & ad Ecclesiam
pertinentibus, per somnium ab angelo edocti fu
erunt. Paulo post habita est a M. Paulo concio,
de S. Thoma, qua ille mirificē afficiebatur.

Reliquum vero tempus, quo conciones nula
las audiebat, tribuebat sacrorum librorum lectio
nibus: Præcipue autem horum scriptorum lectio
ne delectabatur: Commentarij Lutheri ad Galas
tas, maximeq; illius particulæ, quæ est in illum
locum primi capitis, C H R I S T U S dedit semetip
sum pro peccatis nostris, vt eriperet nos de præ
senti seculo nequam: item libelli Iusti Menij, de
præparatione ad mortem: quem quotidie in ma
nibus habebat, & iter faciens circumferebat:
item libri Iohanni Vigandi, pastoris Magdebur
gensis, cui titulus. *Deuot artitel Christlicher*
lehr. Hunc librum non ita pridem ipsi miserat
Iulius, Henrici Ducis Brunsvicensis filius: Tana
topere autem eo delectabatur, vt de pluribus ex
emplaribus aduehendis, mandata daret: & de
vertendo in linguam Danicam cogitaret.

In ferijs natalitijs, ingrauescente paulatim
morbo, cum lecto iam ita affixus esset, vix vt
se mos

se mouere posset, præter ordinarias conciones, quas audiebat, nihil legebat ipse, vt facere prius solitus fuerat : sed conciones illas, quæ in Lutheri Postilla extant, de puero Iesu, recitari sibi inbebat : easq; omnes audiebat, attentè, magnaq; cū animi alacritate. Quanq̃ autem ipse tum coram Domini, qua octiduo antè vsus fuerat, abstinēbat, tamen cubicularijs suis eam in conclaui suo administrari, magna cum voluptate cernebat.

Pridiè quàm moreretur, quæ vltima dies erat mensis Decembris, cum de morte patris M. Pauli, de quo sollicitè semper percunctatus fuerat, nunciatum esset: benè est (inquit) cras sequar.

Calendis igitur Ianuarij, à quo die nouum annum nunc auspicamur, memor (credo) quod significatum ei esset, hoc die meliorem eius valetudinem fore, & vitam inde secuturam longiorē : quasi exire iam ex hoc exilio gestiens, atq; ad cœleste illud domicilium properans, benè manè se ad moriendum parare cœpit: ac primum prælegi sibi iussit locum Pauli Gal. 1. Christus semetipsum dedit pro peccatis nostris &c. Cumq; à M. Paulo, qui inter primos ipsum adibat, de patris ipsius obitu quædā sciscitatus esset: hodie (inquit) ipsū sequar: tu vt patri adfueris, ita mihi fac vt ad sis. Mox reliquis abire iussis, solum Paulū retinet :

C ij

ibiq;

ibiq; post apertam, plenam, rotundam, planeq;
Christiano hominè dignam confessionem, rursus
ipse verbo Euangelij ita se erigebat ac confirma-
bat, vt Paulus qui ipsum audiebat, arbitraretur se
multò plus ex ipso, quàm ipsum ex se, consolationis
cepisse: Nihilò minus tamen vt ministerij etiam
rationem haberet, præsentisq; ministri voce ma-
gis confirmaretur, vicissim ex ipso audiuit cœ-
nam, pñsq; mentibus gratam, de remissione pec-
catorum per IESum CHRİstum, sententiam:
cui accedere etiam volebat, pignus illud, corpor-
is & sanguinis Domini nostri Iesu Christi, in
plius testamento, ad conseruandam, ac celebra-
dam beneficiorum ipsius memoriam, & vacil-
lantem fidem nostram roborandam, nobis re-
lictum: Verùm roganti Paulo, mox ne, an post
concionem, hanc cœnam Domini, sibi adminis-
trari vellet, satis inquit, maturè, fiet post con-
cionem: modò ne prolixa nimis ea fuerit: Sen-
tio enim parum temporis nobis superesse.

Habita igitur concione de puero circumci-
so, cui à Deo ipso, priusq; in vtero nasceretur,
nomen inditum erat, vt IESVS diceretur, idq;
muneris assignatum, vt saluos faceret peccatores:
cœnaq; Domini administrata, cum Paulus iam
rursus propius accedens, præcipua concionis ca-
pita summatim repeteret: tum lætus ille, & ala-
cris, complicatis manibus suspirans, magnòq; de-
siderio cœlestis patriæ oculos attollens, gratias a-
gebat

2102.
gebat Deo, pro beneficijs omnibus sibi per Iesum Christum collatis : pro liberatione à peccato, morte, & mortis terroribus.

Interea regina coniunx, sacris in templo peractis, ingreditur, sed præ fletu & mœrore maximo, proloqui nihil potuit: vnam tantum hanc vocem edebat, *O mein her / mein her*. Ea igitur aliquantisper rursus digressa, cum quidam castenas aureas proferret, quas antea hospitibus quibusdam pro apophoretis donari iusserat, aufer, (inquit) aufer, quorsum nunc hæc stercora ?

Reuersa postea regina, ad lectum mœsta tacitaq; consedit: ibi tum ambo Cancellarij, D. Iohannes Frisius & Andreas Barby, regem conueniunt : qui graui & longa oratione eos compellans, postrema hæc ipsis mandata dedit. Quoniam instare sibi iam viderent extremum vitæ tempus, vt patriam, (cui posthac ipse consulere amplius non posset) sibi commendatam esse putarent : ad eius salutem, omnia sua consilia, & actiões dirigerent. Imprimis verò, vt quemadmodum ipse fecisset, id operam darent, vt vera religio, incorrupta Ecclesiæ doctrina, & quæcunq; ad verum Dei cultum pertinent, salua integraq; conseruarentur : quæ verò de ecclesijs, Academia, scholis, verbi ministris, episcopis, pauperibus, nuper decreta fecisset, ea vt rata & firma perpetuò manerent. Deinde vt charissimam coniugem suam, & liberos minores, qui nullas adhuc fortunas

C iij nas

nas haberent, quocunq; modo possent, tuerentur:
ne ad calamitatem aliquam, ipsis, genereq; ipso-
rum indignam, redigerentur. Friderico filio, es-
am quam olim dedissent, fidem præstarent: eaq;
deinceps ipsi consilia darent, quæ & ipsis glori-
osa, & reipub. futura essent salutaria: cauere-
ntq; ne subditis aut patriæ, vis vlla aut iniuria fie-
ret: quemadmodum earum rerum omnium, ras-
tionem reddituros se Deo aliquando arbitraren-
tur. Postremo vt ministrorum suorum quorum
quotidiana opera vsus erat (in quibus nomina-
tim meminit M. Pauli) ratio haberetur, ne ipsos
clientelæ suæ vnq; poeniteret: Sed pro præstitis
regi officijs, vberiore fructum aliquem perce-
pisse se merito lætari possent. Postea omnibus
qui tum aderant, nobilibus, cubicularijs, medicis,
cæterisq; ministris, mœstis ac lachrymandis,
per D. Andream Barby, qui tamen ipse præ-
nimio fletu vix fari poterat, gratias egit: moxq;
singulis dextram porrexit, suaq; voce valedixit.

Interea regina quæ præ mœrore se paulu-
sum remouerat, reuocatur: quam cum summo
dolore, misere affectam atq; afflictam videret:
Mea coniunx (inquit) esto animo bono: Dei
voluntati obtemperemus: liberos nostros in ti-
more Dei educa: & Fridericum nostrum res-
ectis consilijs iuuu.

Hoc

Hoc dicto, regina, vt erat animo perturbato, in conclaue suum, quod in propinquo erat, rursus discedit: & communes liberos, Iohannem, & Dorotheam filiam, ad patrem mittit: hi cum singultibus & lachrymis, regem patrem adeuntes, ante lectum in genua procumbunt: & offensæ si quam commiserint, culpam deprecantur. Rex verò protensa dextra, capitibusq; eorum imposita, salutem & benedictionem Dei, per IESum CHRIsTum omnis benedictionis autorem, ipsis precatur: ac mox dimittit.

Pueros subsecuta mater regina, multisq; perfusa lachrymis, redit rursus: & si qua unq; vel minima re dominum suum offendisset, veniam petit: cui mox ille, mea Dorothea (inquit) iamdudum istorum omnium, nihil meminimus: atq; ita in mutuo complexu aliquandiu hærentes, vterq; alteri valedixit.

Erat iam diei tempus meridianum: reliquas igitur quatuor horas, quibus spiritum adhuc ducebat, precationibus, canticis, audiens discq; pñs admonitionibus, traducebat. Si quis forte extenuando mortis periculo, & longioris vitæ spe, consolari ipsum velle videbarur, eum & vultu & manu repellebat, Simeonis canticum

Adit

210
Mit fried vns freud. item / Mittem wir in le-
ben sindt. inchoabat ipse, vnaq; cum alijs moe-
rentibus & eiulantibus, canebat lætus. Cum à
M. Paulo peteret vt funebre illud inchoaret,
Tu last vns den leib begraben. isq; modestè
recusaret, quod importuna adhuc ea cantio esse
videretur: mi Paule (inquit) canatur mihi: me
nunc ea q̃ maximè delectat. His adiungebat & il-
lud Wir gleuben al an einen got. Postremò re-
peti rursus voluit Simeonis canticum, quod pri-
mum cecinerat: atq; in eo tandem canendi finem
fecit.

Scripturæ loca, quibus theologi qui aderant,
M. Paulus, & M. Andreas Martinus, eum
consolabantur, hæc fere erant: Sic Deus dilexit
mundum: item quinquagesimum tertium caput
Esaïæ, & dicta quædam consolatoria ex prima
epistola Iohannis. Sed ille suas quasdam peculiare
sententias, quas antea semper in ore atq; animo
habere solebat, vltro sibi ipsi tum suggerebat:
vt illud Matth. 11. Venite ad me omnes qui la-
boratis. item, Hæc est vita æterna, vt agnoscant
te verum Deum, & quem misisti IESVM
CHRISTVM. item, Ego sum via, veritas,
& vita. His vltro se erigebat ac sustentabat, &
illustri oratione declarabat, se firma fide ea am-
plecti. Singulis dictis huiusmodi quandam in-
terpretationem addebat. CHRISTUS clamat (in-
quit) Venite ad me omnes &c, iam venio ad
ipsum

2102.

ir in les
lps mce
Cum a
choaret,
modelle
antio esse
nihil: me
ebat & is
remo res
quod pri
di finem

aderant,
us, eum
us dilexit
im caput
ex prima
peculiaret
q; animo
gerebat;
s qui la
gnoscant
SVM
veritas,
bat, &
ea am
tam ins
at (ins
nio ad
ipsum